

হিন্দু কালেক্স এবং লাজ সাহেব

(সংবাদ প্রভাকর)

১১/১/১২৫৮

যাঁহারা বিবিধ বিদ্যাশিষ্যর এবং বিখ্যাত অধ্যাপক, তাঁহাদের চরিত্র সর্ব বিষয়ে পবিত্র হওনের আনশ্যক করে। নীতিজ্ঞানের নম্রতা বিষয়ে ফলবান বৃক্ষের সহিত বিদ্বান ব্যক্তির তুলনা করিয়াছেন, যে পণ্ডিত শীলতা, নম্রতা প্রভৃতি সমস্ত সদগুণের আভরণে ভূষিত আছেন বিচার মতে কেবল তাঁহার দিগ্যেই যথার্থ পণ্ডিত শব্দে বাচ্য করা যাইতে পারে, নচেৎ বিদ্যার সমুদ্র হইলেও তিনি বিচক্ষণ এবং সুশীল শব্দে কখনই উক্ত হইতে পারেন না।

আমারদিগের এ বিষয়ে লেখার তাৎপর্য্য এই যে, হিন্দু কালেক্সের প্রধানাধ্যাপক অথচ অধ্যক্ষ মেং লাজ সাহেব কয়েকমাস হইল একবার একজন কৌচম্যানকে চাবুক মারিয়া শমনসম শমনদ্বারা পুলিসে উপস্থিত হইয়া ছিলেন, যদিও সেবারে মাজিষ্ট্রেটসাহেব তাঁহার কোন দণ্ড করেন নাই, কিন্তু সহিসের নালিসে প্রতিবাদিরূপে শান্তিরক্ষকের সম্মুখে দণ্ডায়মান হওয়াই তাঁহার পক্ষে কত লজ্জার বিষয় তাহা বিবেচিত করুন, দ্বিতীয়ত মাজিষ্ট্রেট মহাশয় তাঁহাকে যথোচিত মিষ্ট ভতসনা করিতে ক্রটি করেন নাই। আমরা মেং লাজের এই কার্য্য দেখিয়া লাজ পাইয়াছিলাম, কিন্তু লাজ তাহাতে লাজ প্রাপ্ত হয়েন নাই, নতুবা দ্বিতীয়বার কেন তদনুরূপ ব্যবহার করিবেন? অর্থাৎ কয়েক দিবস হইল এই মহাত্মা বাবু হরিমোহন সেনের কৌচম্যানকে পুনর্ব্বার চাবুক মারিয়াছিলেন, তদ্বিধে এমত জনরব যে ঐ কৌচম্যানও তৎকালে সাহেবের রাঙ্গামুখ দেখিয়া ভয় পায় নাই, উপযুক্তরূপে উত্তর প্রদান করিয়াছিলেন, সাহেব যেমন সপ করিয়া প্রহার করিলেন সে ব্যক্তিও তৎক্ষণাৎ সপাৎ করিয়া সেলামি দাখিল করিয়াছিল, বাড়ার ভাগ আবার পুলিসে নালিস করে, তাহাতে কালেক্সের অধ্যক্ষ অধ্যাপক সাহেব পুলিসে গিয়া প্রহারের বিষয় বিচারপতির নিকট অস্বীকার করিলেন, কিন্তু সুবিচারক সে কথায় কেন বিশ্বাস করিবেন? প্রহারের চিহ্ন দেখিয়া তদগুই সাহেবের একটাকা দণ্ড করিলেন। ইহাতে কি হইল, তাহা বিস্তৃত পাঠকগণ বিবেচনা করুন, ভদ্রলোকের পক্ষে ঐ দণ্ড যমদণ্ডের অপেক্ষাও গুরুদণ্ড।

লোকে কথায় কহে, যে বাটীর কর্তা দণ্ডায়মান হইয়া মূত্র পরিত্যাগ করেন, সে বাটীর পরিজনেরা লক্ষ্মবক্ষ দ্বারা পাক দিয়া পল্লীময় প্রস্রাব করিয়া থাকে, সুতরাং মেং লাজ হিন্দু কালেক্সের হেড গুরু হইয়াছিলেন, ছাত্রেরা ইহার ব্যবহারের উপদেশ পাইতেছেন, ইনি বিনাদোষে যখন মনুষ্যের শরীরে চাবুকের আঘাত করেন তখন তাহারা অপ্রাধাত করিলেও বড় দোষ হইবেনা।